

Schiffen / Gaffeln / vnd anderes zugehörung / für  
700. Schankgröber / 26.

Geschehen in Lissbona den 30. Maij / im Jahr nach  
Christigeburt 1538.

Des von  
Parma be-  
reitschaft.

Dieses nun ist die zurüstung vnd bereitschaft so in  
Spanien zu wegen gebracht worden: des gleichē aber  
war die Macht so der Prinz von Parma dieser Ar-  
mana beysügen wolte / nicht gering / wie er dann in dē  
Häfen vnd Schiffendunge zu Durnkirchē / Greue-  
lingen / Schlus / 2c ein gewaltige Floht Schiff zu  
rüsten lassen / fürhabens neben der Spanischen Ar-  
mada den angriff zu thun / vnd des Königs befehl  
ins werch zu richten vnd zu vollenbringen.

Vnd erstlich hat er in Flanderne etliche vnder-  
schiedliche wasserdurchgraben lassen / vnd sonderlich  
ein Wasser die Sperlee genant / durch hülff  
vnd arbeit etlicher tausent Menschen / auff das er  
von Antorff durch Gent bis gen Bruck etliche seiner  
Schiff sicher bringē möchte / daselbst er vber die 100.  
kleine Heude Schiff versamlet hatte / mit Victua-  
lien vnd Munition woll versehen / die er vermeint  
bey Schlus durch zu bringen in die See / oder aber  
durch die verbesserte oder verdieffte Sperlee in die an-  
dere Häfen von Flanderen.

Auff dem kleinen Wasser von Watene / hatte der  
von Parman auch bey siebenschig Schiff mit platten  
Bödenen bawē lassen / iegliches so groß dā man dreif-  
sig Pferde in jedem führen kondt / mit bequemen  
Brückē / darauff sie auß vn ein gehen kontē: der glei-  
chen Schiff mit blatten Bödenen waren auch bey  
100. in dem Hafen vor Newport versamlet / aber nit  
so groß.

Des gleichen zu Durnkirchen hatte er vber 32.  
Kriegsschiff zugerust / soniel als er daselbst konte zu  
wegen